

(11)
37

SANCTISSIME PATER:

Infra signantes, sacerdotes saeculares, ex Dioecesi Victoriensi, ex Vasconum Gente, ad pedes Sanctitatis Vestrae humilime provoluti dicunt:

Vasconum Gens, divina Providentia sic permittente, undecim mensibus tragediem belli fortiter sustinuit, spiritus christiani magnifica indicia, fidelium turbis immo et Auctoritatibus civilibus proestantibus.

Catholici praesertis homines, politicae rectores, enixe pro ecclesiarum et adversariorum politicorum incolumitate tuenda operam dederunt. In hoc officio charitatis fungendo Clerici non exiguum partem asumpserunt, odia sedando, occultos protegendo, carceribus visitandis, ac speciali fraternitatis amore sacerdotibus ex Dioecesi Santanderiensi et Ovetensi sua egestate necessaria ad vitam deferendo.

Cultus nunquam cessavit in locis sacris. In vicinioribus operationi militari paraeciis christianae fortitudinis et verae fidei exempla non raro visa sunt, quando bombis circa templa ipsa eclatantibus, fideles Missae et vespertinis solemnitatibus religiosis sisterent.

Notandus zelus animarum quo juvenes Capellani pro militibus in suis officiis spiritualibus assistendis in Domino agebant. Morientibus in bello postrema auxilia et solatium, infirmis et feritis sacramenta et instructionem in hospitalibus ministrando.

Sacerdotes in dictione Vasconum Gubernii positi in suis ministeriis sacris, scilicet, concionibus,

publicis, precibus, nullum passionibus politicis locum dederunt. Pro pace instanter et publice rogationes habuerunt, charitatem in alios, inimicis non exceptis, praedicarunt atque exercuere.

Propriam incolumitatem servaturi, dignitatem et libertatem ecclesiasticam procurantes, simul ac ducentis (200.000) millibus ipsorum civibus et fidelibus, exilio apud nationes externas sese commendarunt.

Ecclesiarum Praesules harum nationum in suis Diaecesibus benigne eos receperunt in Domino.

Immo et proprius Ordinarius, Episcopus Victoriensis, Romae commorans, litteras commendatitias et solatium eorum cordibus dedit. Ipse apud Vestram Sanctitatem, verbis et scriptis pro ipsis interfuit, et suam pastorem Benedictionem et approbationem eorum agendi modo, ante et bello durante, impertivit.

Praesertim memoriam fratrum, sacerdotum e Vasconum Gente, a militaribus sub dictione Generalis Franco violenter interfectorum pro viribus defendit.

Attamen, notitia ad sacerdotes infra signantes pervenit pluries apud Superiores Ecclesiasticos famam advenisse circa suspectas sacerdotum e Vasconum Gente agendi rationes. Immo non defuisse qui tales species Vestrae Sanctitatis Vestrae apud Gubernium vulgo "de Burgos" appellatum, sacerdotes vascos -ut dicitur- veluti rectores et instigatores bellici furoris, (à la tête de la revolte) accusat, eos "Politique d'abord" in suis ministeriis sectasse asserendo.

Infra scripti, coram Deo agentes, conscientiae pace fruuntur, fidelibus suis semper suo munere sacerdotali servire procurarunt. A negotiis saecularibus et passionibus politicis suam agendi rationem liberam servare voluerunt.

His dictis Sacrarum Scripturarum consilium de "bono nomine curando" tenentes, Sanctitatem Vestram humiliter postulant, pro bona fama sacerdotum in exilio et carceribus, immo et violenter interfectorum servanda, ut investigatio circa statuta incohetur, sacerdotibus accusatis jure declarandi concesso.

Et Deus...

Mense Januarii, 1938.